

# 父母盲目孝子報恩

智海

昔日佛在毘羅勒國時，於法會大眾中告阿難言：謂於過去久遠世時，有一菩薩名一切妙行。當時在迦夷國。國中有一長者孤獨無子，而且夫妻兩目皆盲，便發清淨志願，立志入山去求道。時一切妙行菩薩念言，此夫妻二人，無子盲目，發心入山學道，而目皆盲一無所睹，若入山中或墮落溝坑，或逢毒虫猛獸，必有生命危險，為彼所害。若我壽終為其作子，便可供養父母，令其平安終壽，即便往生盲父母家，為其作子。父母歡喜，愛子心重，本發道心，欲入山中修道，今以生子故，便樂世間了。

子十歲時，父母與號名為睽子(睽音閃)，此子至孝仁慈，勤行十善，奉事父母，父母大悅！睽子

年過十歲，一日長跪白父母言：本發大心，欲入深山求無上道，而今豈以子故，而退失本願，人世無常，願如本意，我願自隨父母，俱共入山，侍養父母，不失時節。爾時父母告睽子曰：汝之孝順，天自知之，我今不違本願，便與睽子共願入山。

此時睽子，即以家中所有財物，皆施給與國中諸貧窮人，便與父母俱共入山。睽至山中，即以蒲草為屋，並施作床蓐，令屋不寒不熱。如是入山一年，又有豐美甘香眾果，又湧出清涼泉水，池中又有五色蓮華，以及栴檀雜樹，皆芬芳異常。山中眾鳥作樂，而獅子虎狼，皆慈心相向，無有害心，皆食草噉果，不生恐懼。睽子著鹿皮衣，以手提瓶去取水時，麋鹿和眾鳥，亦復隨往飲水，彼此都不相畏懼留難。

時有迦夷國王，入山射獵，王見水邊，有群鳥鹿，便以弓射之，該箭誤中睽之胸部，睽被毒箭誤

射，舉聲便大呼言：誰持一箭，射殺我等修道之人？王聞人聲，即便下馬，往到睽前，睽謂王言：象以牙死，犀以角亡，我今正以何等死耶？王問睽言：卿是何等人？而披鹿皮衣，與禽獸無異。睽言：我是大王之國人，與盲父母來山學道，二十餘年，未曾為虎狼毒虫所害，今我更為王所射殺！

此時山中暴風突起，吹折樹木，百鳥悲鳴，獅子走獸，皆大號叫，雷電動地。時盲父母驚起，便相謂言：睽子提瓶去取水，經久不還，將不被毒虫所害耶！禽獸飛鳥叫聲，不如常時，四面風起，樹木摧折，必有災異！此時國王恐怖畏懼！大自悔責，謂我所作無故，本來射鹿，箭誤射中道人，其罪甚重！今以貪小肉故，而受此重殃。我今以一國珍寶庫藏之物，救子之命！時王便前來以手拔睽子胸中之箭，以箭深入，拔不得出。更有飛鳥走獸，四面號叫，時王更加恐惶怖畏！

爾時睽與王言：此非是王之過，是我宿世罪業所致，我不愛惜身命，可憐我有盲父盲母，年既衰老，兩目復盲，一日無我，無瞻視者，亦當命終，以是之故，深自懊惱，非為毒箭痛耳！王復感痛重言：我寧入地獄百劫受罪，亦願使睽子得活！即長跪向睽子悔過言：若子命終，我當不復還國，便住山中，供養卿之父母，如卿在時，祈勿以此為念！願諸天龍神，皆當證知，不負我此誓願！

睽子聞王誓言，雖被毒箭所中，心喜意悅，雖死不恨，以我父母，仰累大王供養故。王對睽言：卿之父母住處，現請告知，至卿未死，先語使人知之。睽即指示：從此步往，去此不遠，自當見一草屋，我父母即住止其中，請王徐徐而往，不要令我父母畏懼！請以善權方便，令我父母解意，為我上謝父母，無常至今，但念父母年老，兩目復盲，一旦無我，無所依靠，因此懊惱！死是人之常

分，宿世罪業所致，無有能得脫者，今我自當懺悔！願父母從無數劫以來，所行一切罪惡，於此罪滅福生，願我與父母世世相值，不相遠離，願父母永保年壽，勿有憂患！

王便將數人，前往父母住所，王去之後不久，睽子即便奄奄命絕！鳥獸號呼，繞睽屍上，以口舐睽胸血，其盲父母若聞此聲，更益增加怖畏！此時王行既疾，觸動草木，似有人聲，父母驚言：此是何人？非我子行。王言：我是迦夷國王，聞道人在此山中學道，故來供養。父母言：大王來善！勞屈威尊，遠來草野之地，王體中安隱否？宮殿夫人、太子、官屬，國民，皆安善否？風雨調順，五穀豐足，鄰國不相侵害否？王答道人言：蒙道人恩，皆都平安。王問盲父母，在山中勞心勤苦，飛鳥走獸，無有侵害道人者否？山中寒暑隨時，現在皆安隱否？盲父母言：蒙大王厚恩！常自安隱。我有孝

子名睽，常與我取果蓏泉水，恒自豐饒，山中風雨調和，無所乏少。我有草蓆可坐，果蓏可食，睽子現去取水，即將還來。

王聞傷心淚出！對盲父母言：我今罪惡，無故入山射獵，見水邊群鹿，隨手引弓射之，箭出誤中睽子，是故來此相語！父母聞之，舉身自撲，如大山崩！地乃震動。王便向前扶起父母，然而父母號哭！仰天自說：我子孝慈，有何等罪，而射殺之！剛才風起，百鳥悲鳴，便疑是我子死，父母啼號痛心！父言且止，今先問王，射睽何處？人為死活？王說睽曾有言：父母感嘆！一旦無子，亦皆當死。時父母言：願王牽我二人，前往屍處，王即牽盲父母，往到屍止。父抱其腳，母抱其頭，仰天大呼！母便以舌舐睽胸處創傷，願毒入我口，我已年老，目無所見，願以身代子，睽活我死，死亦無恨也。睽若此至孝，天地若知者，箭當拔出，毒藥當除，

睽當更生。

於是第二忉利天王寶座，為之震動！帝釋天王以天眼見二道人，抱子號哭，又聞第四兜率天宮震動，是二天王如人屈伸臂頃，下來人間，到睽面前，以神藥灌睽口中，藥入睽口，箭自拔出，便活如故。父母驚喜！見睽已死更活，父母兩目皆開。飛鳥走獸，皆生歡喜，風息雲消，日亦重光，泉水華樹，倍於常時。此時大王歡喜，不能自勝，便禮天帝釋，還禮父母，及與子睽。大王願以國財，供給道人。

睽曰：王欲報恩者，且還安慰人民，皆令人民奉戒。王亦勿再射獵，傷害生命，使現世身不得安隱，壽盡當入地獄中，人居世間，恩愛暫有，別離長久，不可常保。王以宿有功德，今得為王，莫以得自在故，而自放恣！王聞睽言，亦自悔責，從今以後，當如睽教。爾時隨從王者有數百人，皆大踊

躍，奉持五戒。王還宮後，普令國中凡有盲父母猶如睽者，皆當供養，不得捨棄。於是國中人民，以睽活故，上下相教，奉行五戒十善者，死得生天，無有入三惡道者。

佛告阿難！宿命睽者我身是也；盲父者今父王淨飯王是也；盲母者今母摩耶夫人是也；迦夷國王者阿難是也；時帝釋天王者彌勒是也。使我疾成無上道者，皆是供養父母慈惠之恩。從死得生，感動天地鬼神，皆由父母恩重孝子所致也。

（此文摘錄自佛說睽子經）